

ՀԱՇՎԵՏՎՈՒԹՅՈՒՆ
ՏԵՂԱԿԱՆ ԻՆՔՆԱԿԱՌԱՎԱՐՄԱՆ ԵՎ ՀԱՆՐԱՊԵՏԱԿԱՆ ԳՈՐԾԱԴԻՐ
ՄԱՐՄԻՆՆԵՐԻ ՀԱՐՑԵՐՈՎ ՎԱՐՉՈՒԹՅԱՆ 2017 ԹՎԱԿԱՆԻ 1-ԻՆ
ԿԻՍԱՄՅԱԿՈՒՄ ԿԱՏԱՐԱԾ ԱՇԽԱՏԱՆՔՆԵՐԻ ՄԱՍԻՆ

Հաշվետու ժամանակաշրջանում համագործակցված աշխատանքներ են տարվել հանրապետական գործադիր մարմինների տարածքային ծառայությունների հետ, ապահովվել է մարզի կապի, էներգետիկայի, հարկային, արտակարգ իրավիճակների, զինկոմիսարիատների, ոստիկանության հանրապետական գործադիր մարմինների տարածքային ծառայությունների համագործակցությունը տեղական ինքնակառավարման մարմինների հետ :

Նախապատրաստվել է ՀՀ Վայոց ձորի մարզպետի՝ «Մաքուր Հայաստան» ծրագրի իրականացման նպատակով ՀՀ Վայոց ձորի մարզում մարզային հանձնաժողով ստեղծելու մասին որոշման նախագիծ, որը հաստատվել է 25.04.2017 թվականին մարզպետի N 37 որոշմամբ:

Համակարգվել է մայիսի 27-ի համապետական շաբաթօրյակի շրջանակում ՀՀ Վայոց ձորի մարզում անցկացված շաբաթօրյակի կազմակերպման աշխատանքները և համապատասխան տեղեկատվություն է ներկայացվել ՀՀ տարածքային կառավարման և զարգացման նախարարություն:

- Մինչև 2017 թվականի մայիսի 27-ի շաբաթօրյակը ՀՀ Վայոց ձորի մարզում քարտեզագրվել և հատկորոշվել էր 129 աղբավայր:

2017 թվականի մայիսի 27-ին և դրանից հետո փակվել է քարտեզագրված և հատկորոշված 112 աղբավայր:

4 քարտեզագրված և հատկորոշված աղբավայրերի փակման համար անհրաժեշտ է շուրջ 7 մլն դրամ, որի վերաբերյալ տեղեկատվությունը ներկայացվել է ՀՀ տարածքային կառավարման և զարգացման նախարարություն:

2017 թվականին կայանալիք համայնքների խոշորացման գործընթացից հետո նախատեսվում է ներկայումս հատկորոշված 13 հիմնական աղբավայրերից 8-ը ևս փակել և կոնսերվացնել : Խոշորման գործընթացից հետո մարզի Եղեգիսի (Շատին բնակավայրի տարածքում) և Արենիի (Ռինդ բնակավայրի տարածքում) խոշորացված համայնքներում նախատեսվում է ունենալ յուրաքանչյուրում մեկական աղբավայր, ինչից հետո ողջ մարզում աղբավայրերի թիվը կդառնա 7-ը:

ՀՀ կառավարության 2014 թվականի մարտի 6-ի թիվ 214-Ա որոշման համաձայն համայնքներին տրամադրվել է տեղեկատվություն 2016

թվականի երկրորդ կիսամյակում ՀՀ ոստիկանության անձնագրային և վիզաների վարչության բնակչության պետական ռեգիստրում հաշվառված և հաշվառումից հանված քաղաքացիների տվյալների վերաբերյալ:

ՀՀ կառավարության 2009 թվականի մայիսի 21-ի թիվ 562-Ն որոշման 1-ին կետի 2-րդ ենթակետով հաստատված թիվ 2 հավելվածով ՀՀ մարզպետների կողմից կատարած աշխատանքների վերաբերյալ ներկայացվել է տեղեկատվություն համապատասխան պետական մարմիններ:

Ընդունվել է միգրացիայի հետ խնդիր ունեցուղ 5 քաղաքացու դիմում, սահմանված կարգով տվել է ընթացք: ՀՀ տարածքային կառավարման և զարգացման նախարարության միգրացիոն պետական ծառայության կողմից ստացվել է 8 քաղաքացու դիմումի պատասխան:

Համակարգվել են տեղական ինքնակառավարման մարմինների կողմից կատարված աշխատանքները :

ՏԻՄ օրենքի պահանջների կատարման նպատակով աշխատանքներ են տարվել ավագանու նիստերի հրավիրման ժամկետների պահպանման, ընդունված որոշումները օրենքով սահմանված ժամկետում մարզպետարան ներկայացնելու, որոշումները ՀՀ օրենսդրությանը համապատասխանեցնելու, ընդունված իրավական ակտերի և բյուջեների հրապարակայնության ապահովման ուղղությամբ :

Համակարգվել է ՀՀ Սահմանադրությանը և ընթացիկ օրենսդրությանը հակասող մարզի ՏԻՄ-երի կողմից ընդունված որոշումները մարզպետի պահանջով վերանայելու գործընթացը:

Համակարգվել են համայնքային բյուջեների կատարման ընթացքի վերաբերյալ համայնքների ղեկավարների կողմից ավագանուն տրված եռամսյակային հաղորդումների և տարեկան հաշվետվությունների տրման աշխատանքները, ինչպես նաև համայնքների ղեկավարների կողմից 2016 թվականի կատարած աշխատանքների վերաբերյալ տրված հաշվետվությունների գործընթացները:

Հետևողական աշխատանքներ են տարվել համայնքներում ՏԻՄ-երի գործունեության հրապարակայնության ապահովման ուղղությամբ : Այդ նպատակով մարզի բոլոր համայնքներում տեղադրվել են ցուցատախտակներ, որոնց միջոցով համայնքների ազգաբնակչությունը իրազեկվում է համապատասխան տեղական ինքնակառավարման մարմինների գործունեության վերաբերյալ :

Հետևողական աշխատանքներ են տարվել համայնքների ավագանիների դերակատարության ու պատասխանատվության բարձրացման ուղղությամբ : Համայնքի ղեկավարների և ավագանիների կողմից կազմակերպվել է քաղաքացիների ընդունելություն և հանդիպում համայնքի բնակչության հետ :

Համայնքներում իրականացված միջոցառումների վերաբերյալ ՀՀ տարածքային կառավարման և զարգացման նախարարություն է ներկայացվել եռամսյակային և կիսամյակային հաշվետվություն:

Համաձայն ՀՀ տարածքային կառավարման և զարգացման նախարարի 12.01.2017 թվականի թիվ 5-Ա հրամանով հաստատված աշխատանքային ծրագրի և ՀՀ Վայոց ձորի մարզպետի 24.01.2017 թվականի թիվ 5 որոշման պահանջների 2017 թվականի առաջին կիսամյակում իրավական և մասնագիտական հսկողություն է իրականացվել ՀՀ Վայոց ձորի մարզի Եղեգնաձորի, Վերնաշենի, Գետափի, Հորսի և Քարագլխի համայնքներում: Իրականացված իրավական և մասնագիտական հսկողության արդյունքում հայտնաբերված թերությունների վերաբերյալ կազմվել են արձանագրություններ:

Հսկողության ժամանակ արձանագրվել են թերություններ և բացթողումներ «Տեղական ինքնակառավարման մասին», «Համայնքային ծառայության մասին», «Իրավական ակտերի մասին», «Տեղական տուրքերի և վճարների մասին», «Թափոնների մասին», «Արտակարգ իրավիճակներում բնակչության պաշտպանության մասին», «Քաղաքացիական պաշտպանության մասին», «Քաղաքաշինության մասին» ՀՀ օրենքների պահանջների կատարման ուղղությամբ:

Թերությունների և բացթողումների վերաբերյալ կազմվել են ակտեր, քննարկվել և սահմանվել են ժամկետներ թերությունների վերացման ուղղությամբ:

Կազմված արձանագրությունները և հայտնաբերված խախտումները սահմանված ժամկետում ներկայացվել են ՀՀ տարածքային կառավարման և զարգացման նախարարություն և տեղադրվել մարզպետարանի կայքում:

Վարչությունը համագործակցված աշխատանքներ է տարել ԱԺ ընտրությունների կազմակերպման ուղղությամբ.

- Համակարգվել է 2017 թվականի ապրիլի 2-ին կայացած Ազգային Ժողովի ընտրությունների գործընթացը:

Առաջին կիսամյակի ընթացքում ՀՀ Վայոց ձորի մարզի բնակիչներից ստացել ենք 15 դիմում բողոք, բոլոր դիմումներին տրվել է ընթացք սահմանված կարգով:

Վարչությունը ապահովել է մարզի ՏԻՄ-երի և մարզպետարանի աշխատակազմի փոխհարաբերությունները .

-կազմակերպվել են խորհրդակցություններ,

-ապահովվել է մարզխորհրդի նիստերին ՏԻՄ-երի և ՀԳՄ տարածքային ծառայությունների մասնակցությունը:

Կազմակերպվել են մարզպետի այցելություններ մարզի համայնքներ : Համակարգվել են այցելությունների ընթացքում բարձրացված խնդիրների կարգավորման աշխատանքները :

Առաջին կիսամյակի ընթացքում ՏԻ և ՀԳՄ հարցերով վարչությունը պատասխանել է 581 գրության:

**ՏԻ և ՀԳՄ հարցերով վարչության պետ`
19.07.2017թ.**

Ն.Սիմոնյան